


5472/64350 (1)



淡 月 照 西 窗

六十四卷

# 海珊詩鈔



第十二卷  
補遺卷中

續刊出

驥溪世綸堂藏板

壬戌歲余視學山左時海珊宰阜  
城與余曾同應徵書郵亭道故一  
昔別去閱十有二季來吏於滇蹇  
傷遲暮顧益慕于詩閱明史雜詠  
知其用世有所未盡特於詩發之  
又手一編以進別豫楚黔游州余  
贊之曰知人論世其言有物於詩  
為史於治為稽信守教者之道與



政通矣曩余由滇入

覲得北上口占百首考地理之訛補

古事之闕雅六誦空言無補今萬  
里外合海珊若符契可謂不孤無  
誤滴并監弓衣定織梅堯臣春雪  
也因勸梓之為弁其端

乾隆甲戌中元年春弟鹽城徐鐸

拜撰



余少為詩以偏宕相尚罔識律令吾鄉姚薏田同年厲  
樊榭方負能詩聲雅與余善而于詩未之許也甲寅被  
薦居內憂弗逮赴

朝考顧虛聲一時藉甚思有以讓之辛酉夏量移阜昌吾

師稷堂先生典試江南止郵亭余謁見迎謂曰吏亦不  
易為知生百無暇獨詩可分余一席慎毋廢余憬然汗  
下嗣後收視返聽知功夫有在於詩之外者厚其所積  
窮其所變別構戶牖不屑苟同昔人迄於今不包知其  
至猶未也然我才亦既竭矣後梅花詩傳誦京師明史  
雜詠人以詩史目之今裒集十一卷又補遺二卷都從

海珊詩鈔  
零佚中以次改竄無復前後年地可問大叅徐南田先生閱竟評曰君詩必有所為始作無一字無來歷筆頭勾得數十斤起楚中余同麓嘗從夏環川大史遊歎為知言辱參之于竹垞阮亭二家之間相勸付梓惜乎樊榭蕙田蚤下世無緣重定吾文此足貽千古知己之憾也丁丑試燈日于後宜良夜宿萬壽山僧舍遂成自記



海珊詩鈔卷目

卷一 古今體詩五十七首

昭君怨

少年行

艾如張

薤露

君馬黃

猛虎行二首

宿昇山寺

湖亭晚望

紫陽洞

冷泉亭

謁岳忠武墓

韶光庵

萬松嶺吊宋故宮

重陽庵宋理宗酒瓮

梅花四首

秋草 落葉



和元栲栳山人十臺懷古十首

姑蘓臺 章華臺

朝陽臺 黃金臺

戲馬臺 銅雀臺

歌風臺 鳳凰臺

望思臺 凌鼓臺

東坡書院與允山禪丈夜坐

訪葉石林夜遊處

寄雉城鮑西岡明府二首

題冬心集贈金布衣壽門

南潯謝文若王翹如過訪東圃

題畫

題沈搢堂編脩碧浪泛輪圖

為周秀才振之題停車坐愛楓林晚圖

題家刑部公所遺雙龍圖

聞陳授衣上舍却聘

厲樊榭孝廉納姬四首

吳興雜詠四首

病起東謝寒村先生

夏晚野酌

遊某氏廢園

甲辰紀遇

湖上夜坐

西子問答二首

卷二 古今體詩五十四首

首夏由胥江泛舟至上沙

蔣芝岡別駕招同費懷谷副使戴闇成孝廉光林上舍

遊水木明瑟園二首

題介白亭

五人墓

毘陵天靜寺

殷淑妃墓

瓜州

金山

揚州春日

尋迷樓遺址

尋蕃釐觀遺址二首

淮安舟泊二首  
過徐州懷蘓文忠公

過苻離讀張忠獻公傳書後二首

烏江項王廟題壁  
亞夫墓

寄戴郊君廉使蘓州  
晤孫葭遊有感

送副使芮衣亭先生遊上海兼東陸二袖壇二首

芮芳齋歸自日本長歌紀事  
宿許天植見山樓

送范容安之南粵

泊舟濟寧是夜無酒因懷太白舊遊

東阿吊陳思王墓  
過東平

望岱  
東嶽廟

望華不注  
歷下亭

鵲山湖  
會仙峯范文正公讀書處

羊太傅祠  
董子祠

瀛州懷古五首  
河間獻縣 阜城 任邱 滄州

萬柳堂二首  
吳牧園太史寓齋紫藤花

咏寓齋芍藥  
題倪雲林墨蹟為沈椒園太史

題馮石泓明府課子圖時將之任古田

送李碧岑上舍歸武定  
晤沈樗崖于姑蘓僧寺

許氏園林東徐恕齋侍御

慎承郡王山水卷子為吳梅庵少司馬題

謁鳳陽守無所遇而歸

卷三 古今體詩六十四首

德壽宮四首

伍相廟題壁

錢江待潮懷古

富陽舟曉

桐廬道中

七里瀧

釣臺

睦州韓蘄王將臺四首

蘭溪

婺州二首

常山旅夜

臨川尋王茗堂遺址

洗墨池

王荆公祠

擬峴臺

謁徐孺子祠

登章江門城樓懷古

滕王閣

渡鄱陽

夢遊廬山歌

南朝宮詞十二首

擬古四首

鉛山縣石山

土木

保安州訪沈忠愍祠

夜宿龍門縣

老龍背

燕然山

于役懷柔欲謁范忠貞墓不果

歸自宣府憇上關

夜宿靈谷寺示貫澈上人

鄴下懷古和胡芝廬明府二首

借汪農部柳亭書檢還誌謝

題馮青岳月夜遊黃鶴樓圖 雜錄八首

卷四 古今體四十九首

西行懷古二首 狄武襄祠

文忠烈公祠 訪傅山人墓

介子推墓 郭有道阡

晉祠 蔡忠襄公祠

北齊宮詞十首 紀俺荅款塞事懷明王襄毅公二首

砥柱峯 天門關

赤洪嶺 曲峪鎮遠眺

三垂岡 分水嶺

長平坑 劉王濬

寧武關吊周忠武 太行二首

紫荊關 汾郡春日

題崔拙圃太守詩集 題耕岩草堂圖為沈樗崖山人

懷人詩六首 吳浣陵 李寧周 韓怡園 馮十畝 家卧山 謝散木

烟花債傳奇為拙圃太守題

題怨綺錄和商寶意太史 晉問四首

故晉王宮

卷五 古今體詩六十首

涿州張桓侯廟 安肅道中

滿城道中

唐縣

重過正定東解蘭田明府

龍泉關

虎跑泉

阜平縣齋題壁二首

長城嶺

北湯泉

南湯泉

荅學使錢香樹先生二首

宿易家庄

重遊城南諸山

懷同年吳涵青

索蘭田畫

後梅花四首

書縣齋壁四首

晉宮詞八首

古風呈江太守二首

上魯觀察亮儕

蓮花池和顧香霞明府

道逢李座主穆堂先生使車二首

玉芝山院示諸子

贈馮漢儒少尹

憶亾室示大兒名表

崔德超學博餉魚

夜聞沈樊桐內翰過泊頭將由江南之江西

東同年金蒿亭明府

有感題泊頭壁

無題

題盧雅雨觀察出塞集

感興

題臨城公解壁

偕王太容學博臨城城上晚步

歸自臨城題保陽旅壁

又題

寄示大兒臨城山中

大兄將歸誌別二首

與靜軒先生旅話

重過方順橋有感

雨止

卷六 古今體詩六十三首

論前人詠菊諸詩

唐帝廟

堯母陵

友人許予 妾止之

月下有懷

聞改堂先生將歸維揚二

再可締姻雲間王氏

韓上舍 璋以草花相餉三首

題安天廟碑為曲陽孫明府

題盧忠烈公祠為傑夫明府

詠樸次樸遶韻

寄莫寧徐恕齋觀察

呈浣桐太守即題舒嘯軒集二首

與樸遶夜話

方伯問亭先生贈七里瀧詩扇次韻賦呈

種山亭藏李陽冰篆為李刑部



前懷人十六首

齊瓊臺 盧雅雨

吳觀揚 孫葯亭

徐讓符 諸具茨

王萊堂 戴邗君

沈勞山 厲樊榭

商寶意 姚蕙田

周石帆 董芭堂

陳勺山 胡竹岩

題蘭田畫十首

陳勺山太史還

朝雨宿望署次原韻

和勺山邯鄲道上詩

聞頤香霞客保陽却寄

友人之楚旅話

書蒼梧王傳

書東昏侯傳

為劉生敬敷題琴心中斷詩二首

懷樸進信都

題文安米少尹解壁

從趙北口夜渡西澱

平階弟量移清苑

聞笠亭得松溪

聞王豁堂青澗訃音

與李眉洲吏部話汾上舊事兼柬榮金門閩中

題居敬軒二首

卷七 古今體詩七十二首

眾春園

雪浪石

余既作前詩按公原序記石質色與今不類復為是作為袖壇題金門太守水墨画冊五首

得戴學圃雲陽書

過無極懷黃壺溪

春暮書懷贈金質甫太守

呈黃侍郎崑圃先生

雜興四首

後懷人十六首

吳牧園 桑菴甫

沈篤師 汪師李

姚礪圃 杭堇浦

家毅亭 查心毅

章容谷 戴經農

顧香霞 家侍御

符葯林 胡穉威

徐恕齋 徐笠山

題惲壽平畫為劉滄水少尹八首

秋庭夜坐

東金門保陽

東礪圃河南

萬循初孝廉自京邸貽詩見懷依韻和荅二首

余因病少食禁斷鷄鶩樸進于他處食鮮輒貽書垂念

賦此作荅

樸進又言潞河鱖魚有作

馬文毅公彙草辯疑書後

瓊臺侍郎墮馬東周石帆學士

胡泰舒銀臺歸自蜀述西征始末賦呈凱旋四章

高制府東軒先生讀易圖十首 東費農部用中

東同年吳緘庵 寄宣府吳朔占太守

五君詠五首 董扶搖 倪南村 吳赤堯 張雪子 董渭瑄

後猛虎行

卷八 古今體詩六十一首

歸客詩和太守夢堂先生即依原韻

上元第二夜吳鑑南秀才過飲寓齋即題其詩集後

紀拉少司空死節事 輓岳將軍

房山四首

杏花堂與蔣良山守夜有感

與質甫太守集別

南行懷古十二首 定州 沙河 曲陽 魏縣 趙州 邢臺

滑縣 送陸午峰甥之楚視四甥玉飛病

新葺書室成自題以落之 先賢仲子祠

黎陽道中與管司馬思策論古 又絕句

夏日開州城南即目 題春閨獨坐圖

題小南軒壁 苻帶此詩失寫補後

過相州題李敬亭明府壁 秋夜投止山家

袁姚氏節孝詩 李芳亭印譜



書宋明帝傳

雜詠北齊諸王四首

于役阜城紀事兼示華陽書院諸子即誌別

李家店芍藥牡丹二首  
曉出通州南門渡潞河

吳瀟臚穎庵招飲有懷故少司馬梅庵先生

胡鏡舫儀部漢書詠  
聞墨庄主人吹笛

題章黃門亡姬沈小同傳後二首  
王中丞耕田圖

方宮保貯蘭圖次原韻  
上襄勤伯鄂中丞

寄呈衣亭先生寶坻  
題龔光祿醇齋聽鴻圖

送陸生惠南歸獨山  
題盧司馬贈公圖六首

卷九古今體六十五首

故明潞王妃墳

遊蘓門山

新鄉過黃河故道

過大梁書  
光壁守汴日記後

朱仙鎮吊岳忠武

許州曲水園求笋不得題旅店主人壁

穎橋吊李元禮墓  
過襄城示二兒

渡洛水  
昆陽城望光武軍戰處二首

舊縣二絕  
葉尹墨池  
王喬墓

入南陽郡

博望城  
渡涇水

卧龍岡訪武侯草廬  
樊城感左寧南事

宿江城晨起即事  
渡襄江題酒樓壁

題贈襄陽杜羨臣明府兼呈陳白崖太守

口號

入安陸郡由富市之石城 訪龍洞古跡

雨霽由園林之建陽 登雄楚樓二首

書精華錄漫興雜感諸詩後四首 絳帳臺

孱陵吊孫夫人 唐冢夜坐

公安感昭烈事 順林道中

宋玉廟 遊武陵溪書桃花源記後

堤上 武陵雜詠八首

由武陵之桃源 川石

由虎跳澗至銀壺山 新息侯廟

壺頭山

仙蛻石木樨

辰州城二首

舟居七日無日不雨有作

毛家蕩晚目

辰溪舟行不見山中石色

穆天子藏書室

鷓鴣灘

黔陽道中

高粱洞上灘

凌霄宮

過沅州懷塘太守

龍溪口

卷十 古今體詩五十五首

玉屏舟中閱五代詩話詠南唐後主事十首

又雜詠五代事十二首 竹車

宿鎮遠永安橋寓樓夜聞溪水聲有感

相見坡

飛雲巖

崇安江

楊老驛

過平越懷明李襄毅平播事

冷溪曉行之谷溪

狝家

甲秀樓

陽明先生書院

遊白雲山與僧談遜國諸偽書

柳坑

黔中雜述四首

安順府

淮陰侯後

白水岩瀑布

由坡貢之郎岱

打鐵關

盤江口

象賁

由劉家屯之大山凹

黔行錄疑

雲安坡

野花

憚冰牡丹二首

賦得鷄棲樹二首

黃靈

卷十一 古今體詩四十五首

題滇南勝境坊

交水

萊海吊沐氏別業

金牛

弔楊文憲公

和觀察南岡先生題浣紗記詩次韻

遊近華浦題寺壁

泛嘉利澤

海潮寺

訪三南居士石淙遺址由堂螂川觀聖水浴湯池晚宿

雲濤寺次壁間鈕翰林韻東方友蘭刺史

詣黑龍潭祈晴

上南岡先生

喜徐大田上舍至兼讀遊稿

和薛天濤詠南唐後主事

和天濤詠陳後主事

東山寺

易門水城為黃春齋題

題易署南軒

秋丁香

武定城望獅山龍隱庵呈鄭履坡太守

渡白石江懷黔寧王平滇始事

起馬塘隔嶮樹色

由待補過以濯河望納雄諸山光呈東川義太守

由水坪宿尋甸與額觀文明府夜話

野宿望秀嵩山

拜升庵先生遺像

入東川追紀烏蒙反正事寄永善陶京山明府

由野馬川過大石塘至小龍潭

易門送余同麓

贈江竹岑少尹

再和天濤詠李後主事

秋夜海潮寺茶亭小憩

兩先生傳書後

劉念臺  
黃石齋

寄呈方桐城太保四首

盤龍江歌

海口謠

懷廣川守侯佩斯

宿近華浦

題沈古稀照

呈貢郎目

襄勤伯鄂贊議死事伊犁

補遺卷上 古今體詩五十一首

題旅壁畫

來月軒雅集

雨後登逸老堂

池上

截句

兒歸行

贈潯溪董承餘秀才

夏日訪玉抑亭明府于歸雲庵

潤州

桐廬道中

婺江五色石子

觀奕歌戲贈吳大廣維

春日雜興書縣齋壁

為念慈遺懷之作

水南門

憶南中

紀石樓袁梅谷痊痼疾事并序

舟過平望懷王載揚徵士

贈沈樗崖

留別歸安裘魯青明府

香樹先生復和丹疊前韻

袁松園明府會獵

題張總戎四時佳興圖

不倒翁

清河陶未堂觀察餉惠泉

上元燈下

送朱方伯之任山西

聞瓊臺晉禮侍

書徐湛之傳二首

讀北史四首

樸遶書舍涼棚

為王少逸山人題照

答李坤四孝廉

寄陳元甫學博即送其赴禮部試

雨夜黃壺溪留宿

歸渡沙河弔明新樂故劉侯死節事次東麓錢太史壁

間詩韻

為諸具茨題高松對論圖二首

送維謨弟登第南歸

澧州道中

姊妹山

由桃源之沅陵

瀘溪道中

將出辰境書所未盡

由松歸之中上寨

泛海行為昆陽方通守

青華洞和謝研溪

書隋陳夫人傳  
讀北齊書三首

補遺卷下 七言律詩六十三首

仙壇唱和即次仙韻二十七首

梅花 杏花 桃花  
梨花 李花 海棠  
梨花 山茶

牡丹

芍藥

楊花

水仙花

夾竹桃

薔薇

瑞香

茶蘼

玉蘭

丁香

凌霄

山茶

集蘓詩三十六首

前十八首下第  
後十八首懷人

以上十三卷

共詩七百五十九首

海珊詩鈔卷第一

昭君怨

烏程 嚴 遂成

畫圖尚自好况逢華悅姿團團照明鏡對面心相知環  
珮聲寒月中語琵琶學自入宮時一彈紈扇怨再彈玉  
釵歎白草黃沙泣秋雁臨行召入朝陽殿當年君不見  
妾心妾幸今朝見君面見君面死無憾阿房鐘鼓多美  
人三十六年長不見

少年行

覆首紅韎韜垂腰鐵兩褱馬上瑟鼓邯鄲倡迴身流星

扶金彈左右彈人中人面聞道前山夜轉戰坐馳萬里  
日始旦手提模糊月氏首入奏鏡歌未央殿男兒富貴  
須早致凌烟丹青容易事却笑南陽鄧仲華封侯年已  
二十四

艾如張

艾如張小山下叢薄旁罔以雉求鳳凰鳳凰去來禿鶻  
不儀其羽有舌孔長大章咸池韶濩聲亂清廟明堂脫  
鞬一鷹怒突目桐爾栖竹爾咏竊據者匪福興問罪師  
攫爾肉踉踉蹌蹌伊誰之屋噉噉啗啗雌雄六六艾如  
張禿鶻去來鳳凰

薤露

草蕭蕭元猿哭黃熊號翩丹旒咽碧簫委而去江之臯  
四野無人塊獨處此樓浮雲滄流水有知無知兮我行  
行且止天蒼蒼海茫茫緘書孤鳳凰昔時兒女今成行  
秋蘆不以為絮春筍不以為饅爾安爾寢爾魂則傷觸  
骸與語風悲白楊

君馬黃

君馬黃臣馬黑君馬黃臣馬白十二閑一鳴斥太行山  
雪千尺石角凌兢四蹄圻誰汝顧兮德不德君不見錦  
為韉珠作勒一片桃花好顏色



猛虎行

天虎人虎虎化人人變虎天道好還爾腹毋鼓鼓爾腹  
春長戈抨強弩挾腰拔舌食爾肉君不見裴將軍一日  
殺虎三十一又不見趙大夫一日殺虎三十六  
善淫者鹿善媚者狐狼貪而狠猿譎而狙爾掩取之予  
不爾辜慎毋傷我民傷我民傷爾仁我當訴之於麒麟  
爾知有父子豈不知麒麟與爾為君臣采入其阻終年  
莫入我城府灌莽蔽虧遨遊樂土摧牙脫距願爾子孫  
墮爾武不搏不攫幹爾蠱

宿昇山寺

偶向空寮宿閑巡壞壁題松涼知月轉花暝受煙棲野  
鶴如人瘦青山在屋西鐘殘僧入定隔浦一禽啼

湖亭晚望

風熨湖光鏡面平紅泥亭外雨初晴雲開山少離奇勢  
月上花多嘆息聲人為蘋香臨水住家無禾把捕魚生  
此邦不作燈船會岸樹葳蕤不夜驚

紫陽洞

一石為一峯峰立石脾晚團團混沌形本無瑕可棄天  
公乃割刃直入地之肺剝中穹其外索鑰啟局閉其底  
方以平四壁謝塗翫仰視釜倒覆危不墮于地凹處鍾

海山言金 卷一 三  
乳潤凸處劍鏑利蓬鬆萬垂蓮附麗絕根蒂空洞足容  
人人以十百計有門僅半圭如月食未既呀然口東向  
吐納烟霞氣此屋成天然造物頗兒戲惜哉近城囂神  
僊所勿憇吾無一椽瓦詭欲牽船詣譬之邠岐人陶復  
陶穴意

### 冷泉亭

兩三年一別雲林亭子堆塵如許深恠無呼風天忽冷  
危峰到地晝常陰石皆鑿佛失其性泉亦灌田流至今  
坐久渾忘嵐氣重樹移濃綠上衣襟

### 謁岳忠武墓

陰森宰樹罩靈旂翁仲無言廟火稀此地一腔埋熱血  
何年二帝脫青衣秋風殿廢銅駝泣夜月江空白雁飛  
草色斜連忠肅墓相看城郭近都非

### 韜光庵

古寺手可招屈盤磴幽阻斜衝竹縫行寒翠生衣縷擾  
擾雲無歸脩脩禽自語面勢得上方一覽衆山舉僧定  
不鳴鐘松梢有殘雨

### 萬松嶺弔宋故宮

嶺舊名鳳凰山

鳳凰一飛飛上天萬株松影青連蜷家居撞壞織兒手  
銅狄摩挲五百年伯顏昔入臨安府犢車再見青城禍

海王言金  
臣呼渡河帝渡江形勝偏安計原左天停三日伍胥潮  
地發六陵揚璉火君不聞西湖西夜來石馬空中嘶墓  
門長跼雙鐵像剗肉已盡脂燃臍又不聞葛家嶺蟋蟀  
啾啾啼古井汲芳收拾小排當炙笙炭黑燈船冷英雄  
悼良將父老罵姦相國家倒用生殺機神州陸沉理固  
當新亭對泣胡為哉幽蘭轉眼院成灰馬蹄踏殘起輦  
谷冬青無樹無人哭

重陽菴宋理宗酒瓮

穆陵鬼慟冬青樹荒菴猶記嘉熙事丁當闔馬並承恩  
經界推排權場置芙蓉閣繞亭香蘭繩縵散錢關撲戲

吳山九日報花開法酒如池罄擔來舞罷彩雲

梨園  
隊名

高

處望銀山十二候潮回魚皮列甲長江岸荆鄂烽烟眼  
零亂納幣稱臣以捷聞夜漏沉沉正懽宴萬枝銀燭暖  
烘雲白雁聲寒落天半一傳再傳器不守海陵魚腹浦  
逃藪傷心帝魄醉穹廬竟作高車月氏首空貽一瓮寶  
龕僧古意摩挲款識仍劫火真珈燒不盡陰房伴照鐵  
燈檠

梅花

誰教春信破寒來江北江南幾樹梅此品亦宜員外置  
無花敢向雪前開平湖煙散閑移擢小閣風徐數舉盃

佳趣箇中殊好在始知凡艷是輿臺

山家籬落兩三枝特地嶽歌不入時老氣直教無我敵  
清名頗亦畏人知那堪薄俗輕描畫祇向前賢大索詩  
問影問形都不似高樓玉笛莫頻吹

數點東風天地心春光今夜半晴陰幾多味在有誰會  
忽地香來無處尋澹碧溪山僧入夢昏黃烟月靄知音  
前生若問家何住定 移根托上林

便是無言絕可憐更於我輩有深緣澹雲微雨將春候  
曲檻踈籬欲暮天香遠每留三日後開遲猶占百花先  
相思總在人稀處不引漁郎洞口船

秋草

山翠凋零石髮稀邊頭悵望寄征衣斷霞古道無人過  
寒雨空城有雁飛南浦晚來波不語西堂春去夢都非  
踏青此後停遊屐收拾裙腰六幅歸

落葉

江南賦罷庾蘭成枯樹無端感又生憔悴如為垂老別  
錚鏦易作不平鳴李陵臺畔風多力柳惲亭邊月半明  
一樣婆娑生意盡未須老泪灑金城

和元栲栳山人十臺懷古

姑蘓臺

北盟齊魯西破楚越屬國也敢予侮遊魂忽到甬勾東  
臣吳沼吳玩掌股花氣長圍響牒廊不聞渡江打戰鼓  
錦衣暗趁錦帆風燈樹燒空漲烟縷君王倚醉眼朦朧  
麋鹿場中看歌舞墓有墳尚未可材夜烏夜夜啼荒臺

朝陽臺

商於不割唐昧亡大讐未報秦虎狼那有閑心以色荒  
朝朝暮暮登高唐玉鸞珮飾蘭澤芳儵來歛逝神揚揚  
斬石䟽波封妙用瑤姬不作人間夢雲雨迷離空所思  
主文譎諫王心動目不見曉墻之東嫣然一笑桃花紅

章華臺

熊虔肘壁雄南交小侯泗上爭來朝鄭田周鼎亦細物  
投龜詬天心何豪新臺落成長鬣相三休受賀登雲霄  
拂墀搖珮競奏曲德音那暇聞祈招倉卒戈鋌興四族  
訾梁師潰然丹逃囚衣狼藉沉漢水乾谿鬼作饑烏號  
青青楊柳秋蕭瑟猶自迎風舞細腰

黃金臺

戲馬臺

楚興三戶秦已亡  
鴻門氣懾諸侯王  
入關可以制天下  
失策迺在歸故鄉  
故鄉歸來號西楚  
不知芒碭雲龍虎  
玉斗一聲碎亞父  
眼中若屬今為  
八千隊隊衣錦衣  
猶向臺邊舞楚舞  
楚舞未終聞楚歌  
帳前四面漢山河  
虞兮虞兮可奈何  
可奈何離不逝  
烏江走死彭城棄  
依稀弦誦魯遺風  
憑吊千秋寄奴帝

歌風臺

狐鳴篝火虵橫州  
亭長手提一劍掃  
京索滎陽百戰餘  
難得生還見父老  
鷄犬新豐樂故鄉  
萬歲千秋魂渺茫  
酒酣起舞泪霑臆  
風聲慘澹雲蒼蒼  
四顧山河要人守  
誅夸半出兒女手  
宮中雉雥反九起  
胡乃藏弓烹走狗  
嗚呼鐘室之死冤  
最深從赤松遊非  
本心

望思臺

衛霍功成天馬出  
祁連焉支積戰骨  
煩冤鬼氣入深宮  
假手胡巫蠱發掘  
羽林忿忿兵小弄  
壺闕惓惓書上謁  
作臺有詔空所思  
魂兮魂兮招不活  
一生苦學長生訣  
適嗣何人忍自割  
博望魂遊苑草荒  
鳩泉目斷湖水裂

人之愛子亦如余方識人間有離別母后偕死二孫從  
茂陵夜夜鵲啼血

### 銅雀臺

銅盤捧露將辭漢周文心事人皆見詎無私語屬阿奴  
垂死慙慙聲色戀濯龍樹血梨根傷凭几分香淚數行  
樓飛銅雀一丈五總帳朝昏納歌舞舞袖迴風歌遏雲  
地下殘魂聞不聞運移典午國改步無復宮人守遺墓  
風雨漳河愁殺人漆燈夜悶西陵樹

### 鳳凰臺

麒麟郊極龜龍沼鳳不時出乃凡鳥車兒好事築此臺

坐攬千山萬山小百戰旌旗化劫灰六朝宮闕埋荒草  
世事銷沉閱古今人文流落知多少白也青城骨不歸  
金龜曲盡鳳凰飛鳳凰飛去臺無色白鷺洲寒弔江月

### 凌歊臺

鷓尾西薨禾五莖雀集華蓋雲亭亭蠕蠕婆皇儻馬舞  
層臺奏樂樂不停長夜之飲不復醒中葦之言不可聽  
葛燈麻拂笑田舍腹合生兒得寧馨玉燭奄然奴已故  
渠大黠鼻削其堊三千粉黛哭失聲群巫又掘殷妃墓  
稷堂師曰貫穿諸史發為偉論宮商既諧風神調暢  
迴視吳公作彌覺前賢愧後生耳

東坡書院與允山禪丈夜坐

時東山和尚已示寂

愛與名僧對廊陰浸碧池竹非因月瘦山不厭雲癡暮  
氣鶴飛杳秋容楓落遲一聲清磬寂正上佛燈時

訪葉石林與葛魯卿莫彥平夜遊處

依然牛渚可揚舲采石青山不斷青今夜月明魚在水  
澹無人影白蘋亭

寄雒城鮑西岡明府

明府前宰長城解  
組十年復為此任

愛此五湖長重移罨畫船劉晨如隔世張緒尚當年山  
水無涯夢鶯花未了綠拂塵尋醉墨依舊碧紗懸  
百里無多路迷茫水幾灣茶香羅隱室花暗呂蒙山四

羈援藤卧三鷗咏翠還北轅吾欲去望斷暮雲間

題冬心集贈金布衣壽門

名農錢塘人長髯工隸  
書好遠遊有犬曰小鵲

樊榭為  
作歌

一帙詩成手自刪苦心孤詣破深艱斯才不出雲霞上  
相賞徒存松石間變隸向誰遺大翻美髮合自狎重環  
只爭貞曜他年謚逢着名山即便還

南潯謝文若王蕙如過訪東圃

午屏押簾春睡殘客至忘却頭上冠花氣襲衣艾納熱  
水聲漱石琴絃寒不損不益皇甫靜應無應有江僧安  
片帆挂樹告歸去眼逐鷺鷥飛過灘



題畫

一峯突而弁白雲縈其趾飛鳥之所沒去天尺有咫何人携孤筇星辰摘五指下界聲不聞龍掛珠簾水

題沈操堂編脩碧浪泛輪圖

吳興故水國清遠玉湖最涼蓬載散僊衝烟入杏鵲一氣雅頭青平熨鏡面大雲卧水聲中山移葭影外紅亭如曇花一湧亂明昧鷺飛不到處天亞與水會茭深披釣碣樹小望車盖扣舷發清吟湖風颯衣帶疑有潭底龍馨咳生狡獪波頭不敢興月涼寂萬籟

為周秀才振之題停車望愛楓林晚圖

金烏貼岫飛青女入林駐葉葉驚薄寒秋在天盡處誰歎巾柴車消搖此前路得非行藥遲母乃尋山誤崦嵫愴將夕殘霞沒孤鷺昔賢亭埋輪亦有坂叱馭此圖意殊絕何見聞來去吾欲從之遊雲封不得語

題家刑部公所遺雙龍圖

六鼇鏡沒三山立風吹舶趨天吳泣兩兩屏障星模糊逼視雙龍墨痕濕刑部家亡勝國秋百年彝器有誰收兵火摧殘盜胙篋舟移壑徙水東流此圖不信有還理龍之為靈昭昭矣畫師畫龍通龍語龍乎龍乎奈何許人間好贖無天龍龍今下天天朦朦不如畫上僧繇壁

待汝飛鳴雷雨夕

聞陳上舍授衣却聘書此勸之

與余同膺改堂先生薦書

陳君有筆大如帚伯英筋肉兼而有

上舍工書法

前無堅對

何却走葵削寶刀馬戶守

書下逮搜林藪幸逢推轂

扶輪手我試為君作鳴矢燕築隗宮齊九九縱未成佛

誇得果一發姑且射筭籥車驅車驅莫迴顧好向東門

折楊柳人言天上亦差樂戲擘麒麟摘星斗

同年厲樊榭孝廉納姬

誰與湖亭張水嬉簾櫳細雨笛聲吹牡丹紅淺青梅小

未覺尋春四月遲

姬湖人孝廉于四月來遊之情

玉湖湖口小紅橋兩槳撐來月上潮絃管吹開雲一色

彩鸞此夜嫁文簫

中秋碧湖合歡

犢車轅短塵梢長擁髻還依時世粧正值蓬萊人獻賦

燈前也誦魯靈光

時孝廉方應博學鴻詞之薦

合歡扇罷理征鞍黃葉秋林怯薄寒臨去明朝姑小住

人言風信渡江難

吳興雜詠

有馬成三無馬成二昔時沈公事吾農事列卒鳴笳將

安所置

沈慶之

竟陵子天隨子如兄如弟茶寮是主君不見華亭二陸

最能文一敗河橋鶴不聞何如置園於頤渚白首同歸  
老桑苧

陸羽陸龜蒙

玉華宮苑茨下穀上書動朝野獬豸冠胡為者三斗芻  
立仗馬

徐惠妃

女學士女尚書花蕊夫人班婕妤給事禁中如不如生  
男惡生女好女如花男如草

沈瓊蓮

病起東謝寒村先生

治病如治兵命醫如命將人盡號能軍心巫術則匠醫  
予苦炎熱瘡鬼敢獻狀喉焦咸陽火腹漲桂嶺瘴宜以  
水犀濟而乃火牛抗宗老幡然來具大法眼藏中虛知

魯弱外強見隨張顛趾以出之夜決黃河防急攻除務  
盡慎守養用壯彊蠶竟饒葉枯魚倏跋浪現言鬼神力  
攘功姑自誑簫鼓羅酒漿叢祠浩歌唱

夏晚野酌

風岸柳林立生衣涼不勝月容荷宿鷺烟避葦移燈落  
琰山無穀呼船水亦應夜分少眠意過訪虎溪僧

遊某氏廢園

依舊林扉枕水開寂無屐齒叩蒼苔鶯聲不管春風盡  
花氣如愁暮雨來入夜夔魑羣竊據隔墻絃管易興哀  
梨園老去名姬嫁都把繁華付劫灰

甲辰紀遇九月十一日報罷十  
七日恩榜發與焉

歸雁禁寒結隊呼  
敝裘典盡酒腸枯  
彭衙分拜三年賜  
絳市爭傳六日蘓  
未許海中遺斷木  
肯教網外漏明珠  
蓬萊更有長生藥  
風引船回採得無

湖上夜坐

卯色鑑空天倒懸  
衆山皆出湖無烟  
夜深不放月歸去  
移却竹床松底眠

西子問答

北鷄索司晨龍祭  
殃箕服臺上一鳥  
啼安能名麋鹿楮  
不獻亦亡王其武  
用譖深溝商魯間  
稻蟹無遺族歌舞

何能為坐以沼吳獄

坐以沼吳獄我法  
如春秋汝居苧羅  
村王與勾踐讐言  
汝出苧羅村王與  
太宰謀何以無一  
語乃賜鴟夷浮何  
以有二志心從鴟夷遊

海珊詩鈔卷第二

烏程嚴遂成

首夏由胥江泛舟至上沙

夏木千章指上沙  
綠陰滿地燕無家  
遊人正是傷神後  
愁對風前夜合花

蔣別駕芝岡招同費副使懷谷戴孝廉閻成上舍

光林遊陸氏水木明瑟園二首

十畝無多地到來如許寬  
池深魚氣靜樹密鳥聲歡  
淺碧侵琴薦輕陰護藥欄  
小長蘆去後山翠至今寒  
乞與天隨子此間銷夏宜  
堂虛雲不去山近雨先知種

竹新成个浮蘋亂吐絲便無花亦好况遇有花時

題介白亭

遠亭三面水如烟好是霏微釀雨天滿袖蘋香將不去  
夜涼輸與鷺鷥眠

五人墓

起惜薪司盜國柄表裡朋奸挾奉聖羅鉗吉網踞北寺  
一獄同文鈞黨盡封疆案入魏大中吏部出餞吳門東  
卧起三日聘以女地下逢此行相從刺天緹騎大聲吼  
呼囚地擲銀鐙手開讀未竟一傳香蠶擁山崩負傷走  
嗚呼荆軻聶政非丈夫輕生一擲胡為乎死利于國乃

得所五人觸體血模糊君不見飛星墮月恣驚啄皇嗣  
殄絕主勢孤內搽衷甲借鹵簿兒孫彪虎繁有徒自有  
此舉駕帖止劫漕危言其魄禡明年真龍捧日飛倒塌  
冰山滅禍水迺知五人不死死猶生一怒強踰十萬兵  
豈惟東林借生氣力扶天柱東南傾普惠祠基鬼其宅  
穹碑大字書姓名行人下馬酌杯酒神躄墓木悲風聲

普惠祠即忠賢建  
祠處毀以墓五人

毘陵天靜寺

陳後主沈后從煬帝幸江都亂後  
渡江為尼於此名觀音貞觀初卒

寺門岑寂古苔斑聞說觀音此閉關禱應佛經朝雨散

為后時遇早誦佛  
經以禱應時雨降歌殘商女暮燈閒夢中不酌紅梁醞

海上誰憐苦竹灣苦竹灣在馬跡山下唐陸希聲詩世上何人憐苦節淚漬黃純

蒙墓地離宮十六草連山隋創十六宮於毘陵未臨幸而敗

### 殷淑妃墓

靈床殷琰婢妃彭城王義宣女或云殷琰家人從疑怨詞也長夜有餘哀廟據

睿秋立形隨巫鬼來含辛羊志淚作誄謝莊才狼藉棺通替他年墓道開

### 瓜州

石城一二面瓜字尚三支白獺龍兒港青烏杜母祠帆稀沙漸長雨暗笛頻吹不見興平鎮水楊柳四垂

### 金山

江自西來萬里強橫當一柱屹中央生犀不敢燃温嶠古鎖誰能引李陽樓勢鼇浮趨海近山根劍削倚天長老僧見慣風波惡鐘鼓閑宵禮法王

### 揚州春日

竹西自古繁華地况是風光九十天紅杏一枝春燕雨玉笙三疊夜樓烟隔江燈影迷歌館吹岍衣香過酒船好夢撩人歸未得拂城楊柳亂啼鵲

### 尋迷樓遺址

澤葵依井榛塞隧雨嘯風嗥見木魅不見蘋壤糊飛文蕪城一賦傷心淚興廢循環自古然行人但說隋煬帝

余同巖日題前  
層補人所不  
道即作打入法

帝亦磊磊英雄才隔江親擒天子來生男勿舉事矯飾  
樂器絃絕堆塵埃胡然征遼渡遼水六合神城一朝起  
戰骨如山盜如雨我愛江都遊未已錦衣挽士八萬人  
珍饗騎兵五百里十宮連綿西院西大雷小雷珠懸藜  
皆宮名不移而具齊望幸襄野七聖行當迷就中最數水  
晶殿細朶通天冠插遍春愁既解醉忘歸皆曲名鳩頭靴  
瑞雉尾扇陳宮臨檻有飛僊不聞殿脚女三千三千隊  
外知多少裸人為戲招媵媵螢光代蠟夜通明投籤不  
畜司晨無休言叔寶無心肝三十六封書懊惱可憐翻  
調安公子往而不返宮聲苑人生苑亦要揚州醒來攬

鏡已無頭到底殺於誰氏手不得生封歸命侯嗚呼獨

孤諸公血化碧何人再造隋宮室龍舟鳳舄削梯多竟

至取材撤牀箒夢入鷄臺繞玉鉤地下相逢清夜遊粥

鼓齋魚當棒嚇僧家占住摘星樓摘星樓即遺址樓規千有五

百丈遺隍斷塹今無恙月明不照九華池柳黯如垂四

寶帳此地兵衝南北交背海面江一巨防疏濠卑滌倚

籌邊李重進築築觀崇隆名甲仗謝安築乃公辛苦策

屯田為爾平陳積糧餉文帝屯田積黑色小兒據洛口

汴水東流敵西上江都雖好不如歸畧具威儀空藁苑

竹西歌吹聲漸稀本揭瓊花金主亮瓊花被金主亮南

海冊寺少



絕種遂

尋蕃釐觀遺址

雪葉隨風已北遷空祠明月夜籠烟興平一入無遺種

不見叢殘聚八僊聚八仙花名後人以此代瓊花者

玉勾井蕃釐觀後上上有花玉勾洞下下有砂鳥篆雲章都

不問行人但弔玉勾斜

淮安舟泊

時平淮戍罷屯兵市屬王孫未易名淮陰市尚在燈火如螢

樓月暗帆檣為幙島烟生東坡曾記沐猴戲北使猶傳

銀鑄城四十二灣皆種柳綠陰三面鏡中行淮安三面距水

娑羅葉黑稻花青地為黃河夜不寧浪大如山風雨勢

堤高於屋鉢孟形淮有山名鉢孟皆用牖連泗口兼淮口碑沒於

亭與步亭俯仰古今發船去惡聞海氣帶龍腥

過徐州懷蘓文忠公

雲龍山曉墨亭秋蘓墨亭坡公手蹟襟要朱方視此州人慕項

劉多霸氣地交汴泗易橫流產鼃浸版危何甚種柳環

堤役漸休後世但言公聖鎮羽衣乘月飲黃樓

公治徐禦水勞苦特甚過之者無得以黃樓一笛置

之

過苻離讀張忠獻公傳書後

北使來朝輒問安  
隱然敵國膽先寒  
十年作相遲秦檜  
高宗問相公以檜閣對遂忤檜紹興二十五年死公于隆興二年復相  
萬里長城壞曲端

采石一舟風浪大  
富平五路戰場寬  
傳中功過如何叙  
為有南軒下筆難

誓師殉國志無他  
失計其如再敗何  
都尚可遷讐易復  
公如不去議難和  
風霜遠竄名逾重  
斧鉞陳書忌者多  
重過苻離一回首  
青燐白浪滿黃河

烏江項王廟題壁

雲旗廟貌拜行人  
功罪千秋問鬼神  
劍舞鴻門能赦漢  
船沉鉅鹿竟亡秦  
范增一去無謀主  
韓信元來是逐臣

江上楚歌最哀怨  
招魂不獨為靈均

亞夫墓

墓在徐州元季賈胡發之得寶劍去虞伯生有詩紀其事

謾藏誨盜暴其骨  
難起九原論劍術  
此劍昔與鴻門宜  
舞項莊兮蔽項伯  
何不直前擊殺之  
乃撞玉斗示玉玦  
楚王醉兮漢王出  
赤帝興兮白帝滅  
從此歸彭城怒癭  
為疽化異物長眠  
一千五百年賈胡  
直待到元末嗚呼  
劍不利兮鴻濤割  
有墓有墓亦不入  
鐘室

寄戴卯君廉使蘓州

家山不遠一江分  
花月金閨屬使君  
可是釋之專治獄  
每呼白也與論文  
酒壚夢斷三生笛  
時談及臧鄴侯韓怡園吳浣陵諸故

衣笥香消一段雲喪偶不  
再娶惟有平反勞母問寶倫因  
果結聲聞

晤孫葭遊有感

與余皆故少司  
寇王公門下士

十載重逢白髮新師門回首暗傷神宣風一路思慈母

觀風兩浙查賑  
中州皆有恩德

捧日

三朝識蓋臣太學舉幡空往事

諸生稅服更何人與君未語先垂淚總是羊曇醉後春

送副使芮師衣亭先生遊上海兼東陸二袖壇

剪取吳淞去蒼茫古意存橫塘吟杜牧廢壘阻孫恩微  
雨不成響長烟澹一痕紅旗叢白柁倚眺駱駝墩

江灣四十二開遍木棉花葑架沿沙尾蕁絲捋槩牙潮

聲如喚雨曉氣易成霞若問神僊事荒涇漂斷槎

芮芳齋歸自日本長歌紀事

都斯麻國眇羅東邪靡堆踞檀原宮七十二島如黑子  
繫罽著面汗青銅日竈月窟等荒服天限弗與華夏通  
芮君意氣輕萬里慷慨破浪乘長風海水一杯易與耳  
不超而越非英雄紅旗白柁舟穹窿如鳥斯舉如張弓  
前無厓嶮下崑崙圖潏潏灑粘虛空文魴孕瓊螿肺躍  
噓喋駢馬騰倏蟪群妖邁忤助饕虐蹴翻鰲極馮脩聾  
同舟聲嘶不得語君乃大笑誇豪舉秦王漢武所不到  
身輕獨試飛僊羽睥睨劍掛岑藪峯咤叱鞭投龜鼉舉

須臾呀呷天霽顏華葩跋沮雲錦鮮瑒瓊瑰羅斑斑  
烟吹朱燼燔綠烟淵客構館耕鹽田望中一髮長崎山

誕登彼岍貨具舉邪許頰壓倭奴肩小德大禮隋書小德大禮

皆倭國官名伊支馬陳書倭國其官有伊支馬次日曰彌馬獲支又次日曰奴往靱等名跣趺露

鬚爭駢觀餘生那不咀神力割羊燭豕紛開筵萬錢豈

數何曾費一擲寧容劉毅先况有侍女呈嬋娟蹙金貼

繡如意倭寶珠名懸燕舞掌上驚鴻翩傾箱肱索纏頭捐惟

君熟視若無睹木鷄不動冰蠶寒血濡縷持利匕首業

緣割斷夫何難事了拂衣徑歸去翔陽駭逸搏桑巔

吳門客寓友人餉鮮荔枝

羅襦白玉出新粧不數人間十八娘四百紅欄今夜笛

月明吹滿荔枝香荔枝香曲名

宿許天植見山樓

綠樹疎燈落燼遲夢醒如中薄寒時風通花氣全歸枕  
月轉樓陰倒入池如此夜深猶有笛可因春盡竟無詩

開門便赴尋山約酒熟茶香短簿祠

送范容安之南粵應臬司白公聘

嶠南人說好風光粉蝶如錢撲帽箱月上潮聲喧瑤瑁

雨晴野色潤枕柳吟筵攔入香山社歸索知盈陸賈裝

安得抽颿同到岸翠微深築讀書庄

泊舟濟寧是夜無酒因懷太白舊遊

六十三泉天井派山夾如城扼其隘以資運道水滿盈  
白龍受縛岸為械可惜多濁泥釀味非沆瀣打門貫嘗  
之夜盡併無酒出賣嗚呼荷花旖旎柳娉婷醉魄千年  
喚不醒樓空此樂無人繼賸有東山隔岸青鑑湖試尋  
浣筆處湖烟哀雁秋冥冥

東阿弔陳思王墓

十年三徙卒歸陳為是才多轉誤身詩得父風為老將  
賦因甄感彼何人彼何人斯見本賦絹車廢簾推無驗魂木危  
巢踣不振陳琳柳賦幾汲汲魚山魂悵望用本傳悵然絕望汲汲無

歡草痕西靡梵聲淪漢東平思王在國思歸京師後

過東平

蠶尾山光隱畫屏星河磊落水空冥風流誰繼蘓司業  
歇絕歌聲小洞庭

望岱

馬頭遙指岱峯巔一氣青浮未了烟不信其中還有路  
却疑此上更無天五更鷄喚東溟日四面雲開太華蓮  
玉簡金函消泐盡登封人說漢唐年

東嶽廟

冕旒播珽座青宮曾見虞巡二月東神語虛空聞武帝

天書鄭重拜真宗六朝檜栢龍形老四壁雲雷蜃氣通  
負海環封齊十二五諸侯位冠中嵩

望華不注

單椒何秀澤俯揖如文人桀起虎牙怒刺天青入雲變  
化一不測昏曉陰陽分濟水渺無際四圍烜光熏離群  
山作勢縹緲雲中君昔者鞏之戰三周逐齊軍土人記  
失實謂之金輿云

歷下亭

湖陰遺堞雨冥冥玉珮歌殘不可聽杜二來時已興廢  
哀絲重問水香亭

鵲山湖

鼉吼魚跳浪已乾當年月送李膺還如今鈴鐸鳴其上  
脚底誰知是鵲山

會仙峯范文正公讀書處

此峯合讓衆仙遊公獨攜書上上頭藥不啟封將馬鬣  
菴曾畫凍忍民流九盤壁峭雲扶屐三伏林寒月浸樓  
精舍至今高不落接天蒼翠瀑垂湫

羊太傅祠

重臣何法乃可死舉賢自代而已矣君不見銜刀破竹  
平江東龍驤威名征南同太蛇垂頭瓠繫頸不畏岸虎

畏水龍兩賢推轂者誰是角巾白士南城公得所付授  
了乃事及身奚必居成功遺祠千載一瞻溯屋宜門稱  
詞改戶遺民峴首盡霑襟東垣况探金鑲路下馬椒漿  
酌斷碑寒鷗飛上枯楊樹

董子祠

荀卿爾何人名亞我鄒孟其流變韓商暴虐助羸政坑  
儒議相斯偶語棄市令馬上治天下鯁腐遭咥病綿莫  
叔孫禮粗知皇帝聖齷齪轅固申一經焚視聽平津實  
不學謬執翹材柄司空城旦書黃老漸復橫萬古思長  
夜珠囊淪金鏡廣川孕靈秀醇儒以氣應下帷懶窺園

三年心力勁所讀者何書秦火燒未竟天人建三策著  
錄史遷擗大愚呂步舒偃也乃為佞歷相皆驕王誠格  
學術正長沙亦奇才儒林有論定遺祠今蕭瑟碑斷草  
痕迸下馬拜無人鄰社笳鼓競牧羊牧豕兒有禱神不  
吝生漢武朝紛紛取侯印

瀛州懷古五首

河間

宛在蓬萊島憑高雲樹微汗牛誰起家乘鯉不濡衣尊

福詩書設

毛萇注詩里與劉炫讀書處  
名尊福卿有書院設山長

摩榮鶴鶴飛

沈

期登瀛州城樓  
詩四榮摩鶴鶴

大廉陂百道引水憶盧阜

阜城

昌國君封邑茫茫白草多閉門新著論

劉晝著新論于此持檝

醉行歌

娟女

漳已踰河去衡猶導海過劉郎殊不惡騰有

讀書窩

城北牖為劉豫讀書處

任邱

何處公孫壘千秋想像餘莎塘魚浴月桂室鹿銜書石

白埽如淨金沙流亦虛子方唐介今久沒茂櫓遶官渠

獻縣

日華宮畔草到眼有餘清河勢如鈎曲鹽生亦印形雁

堂龍聽鼓

見沈佺期詩

鶴寺馬馱經高隱

劉淑王勸

何人繼花飄

滿澤亭

滄州

山谷此掛席東坡送客歸鏡光交水月鬼語亂車旗遯

海鯁魚貴逢年野穀稀調平鹽鐵論老少可無饑

萬柳堂

堂為元文正廉公別墅近益都馮相國招客觴詠處

盧

蘇趙松雪

風流去已賒野雲池柳有棲鴉新荷驟雨瀟

瀟夜寂不聞歌解語花

野雲元公號解語花侍姬名

手執珠槃集霸才火城如畫綺筵開而今馬矢填車廐

誰記平泉草木來

吳牧園太史寓齋紫藤花



暖風吹空雨初霽古藤纍纍花照地橫枝屈鐵戈戟張  
密葉擎龍爪牙利方其托根毫末時飄飄已抱凌雲氣  
便無高架得扳援騰身直上將軍樹花開七十二鴛鴦  
織就天機宮錦麗絲絲倒掛虹飲澗水紋雲襯魚鱗細  
又疑變相紫髯翁冠玦幢珠事兒戲不然天女散天花  
雨墮曼陀燃法炬蒲桃天上結芳鄰旃檀林中參未契  
如何香山老居士武斷作詩相詬詈

咏寓齋芍藥

香絲覆頰醉生潮軟脚筵歌玉步搖不覺夢尋花市夜  
月明二十四虹橋

題倪雲林墨蹟為沈椒園太史

米唯潔可師范以緩得友遐哉清悶閣遺翰落人手筋  
細競秋鷹行斜媚春柳乾連坤復斷補綴辨跟肘瘦沈  
亦迂士寶茲勝瓊玖世有換羊書毋飲缸面酒

題同年馮石泓明府課子圖時將之任古田

十年一相見今夕是何夕落葉風蕭蕭頭白長安客景  
星威鳳凰駢羅滿君側萬里獨南行微茫山水國公餘  
肅庭訓學古代力穡撞破此煙樓湔洗紅塵色吾亦蓄  
衆雛失母事姑息累碁作彪子研田草其宅憺忘王霸  
慙嬾廢淵明責將復何所遺以安以清白

送李碧岑上舍歸武定 文襄公孫

風雪歲云暮飄然海上村論詩曾幾日述德况清門姑  
葭城笳咽明湖廟樹昏長安多落葉誰識魏公孫

晤宣城沈樾崖於姑蘓僧寺

破楚門東路禪林此寄枝書焚糜竺火髻鑷鄭虔絲一  
健天還與三秋我所思相逢今夕好正及放梅時

許氏園林東徐恕齋侍御

林鶯無語夜牕虛一局碁殘月上初客裡不知春入去  
滿欄芍藥薦鮒魚

慎承罷王山水卷子 為吳梅庵少司馬題

宣武坊南塵幕歷退 眼纈生奇色萬水千山一段雲

落我東井之素壁紫瓊道人 工別號 風雅宗給雲母螿珪

封桐為善最樂副腰腹獻樂對策三雍宮餘事磅礴戲  
游藝荆闔董巨皆下中贈我此幅不盈丈遠勢層層氣

蒼莽蓬萊左股太華蓮一一縮取歸指掌想其握筆如  
握龍白雲隨之與來往水聲淙淙松聲寒夜半驚我未

許眠起向絹素一摩按槎枒石角森戈鋌就中屋宇相  
鉤連得非樊川非輞川誰其主之呼欲出風雨颯至江

吞天吾家清遠富山水廿年夢斷長安市墨妙通靈信  
至理恍然圖我屏風裏只消添箇楸頭船采采蘋香報

君子

謁鳳陽守無所遇而歸

雪大于掌風颼颼漸車渡淮來浪遊鐘乳滴乾夢蝶港

石牛僵卧乘龍洲壺當花落酌復酌用垂花島詩錢以繩拖

留不留用藍采和事明朝掉頭尋短李此亭定屬唐清流李紳

刺郡有短李亭

